

NR. 3

MARS/APRIL

15. ÅRG.

PÅSKE - FOR MEG!

Jesus - du seier
det var for meg.
Men eg skjønar det ikkje -.

Du vart som ein av oss.
Du opplevde
korleis det er å leva
som menneske.

Men
det var ein forskjell:
Du var heil. Rein. Fullkomen.
Du trong ikkje døy.

Du døyde - frivillig!
Ein soningsdød -
ikkje for deg sjølv, men
for dei
som hade gjort urett -
for dei
som ikkje kunne greia
å sona straffa sjølve.

Du seier
det var for meg.
Du seier
det var skulda mi du bar.

Den heilage Gud
godkjende soningsdøden din!
Han viste det påskedagen:
Du hadde vunne over døden -
- Kor lukkelege dei måtte vera
som møtte deg den dagen.

Eg og er lukkeleg, Jesus!
Du seier
at når eg har deg
har eg også del i sigeren din.
Du seier
at eg skal leva
saman med deg - alltid!

Så stor var kjærleiken din.
Så stor er kjærleiken din.
Den femner alle.
Du seier:
«Det var for deg!»


Eg skjønar det ikkje.
Men eg vil gjerne
tru det.
Difor kjem eg.

Takk -
for at du møter meg
med tilgjeving -.

Målfrid.

GOD PÅSKE

10 kroner i veka?



Som det har vore skrive i bladet tidlegare, har Arna kyrkjelyd i gong ei gjevarteneste. Dei pengane som kjem inn, vert nytta til å dekke utgiftene i samband med at kyrkjelyden har eittåring og menighetsselev.

Mange er trufast med i denne gjevartenesta, men vi maktar likevel ikkje å få endane til å møtast med dei midlane vi har.

Om du ikkje er med frå før, vonar vi at du også vil bli med i flokken av gjevvarar no.

Du kan melda deg til Bjarne Fjellveit, tlf. 24 05 82 eller til kyrkjekontoret, tlf. 24 04 00. Kvar krone kjem vel med.

Enn om vi legg til såes 10 kr. i veka til dette? — Det skulle monna bra då.
Velkommen i Gjevartenesta!

Konfirmasjon i Tren gereid kapell

sundag 25.april 1982 kl.11.00

*Rune Kvam
Lars Anders Martinsen
Jarle Midtun
Ingunn Gatland Jacobsen
Anne Grethe Mortensen
May-Kristin Rolfsvåg
Bodhild Skulstad
Inger-Margrethe Skulstad*

OMNAR TIL SALGS

Soknerådet i Ytre Arna har fleire gode vedomnar som står i Kyrkjelydshuset. Dei er no ikkje i bruk, så er nokon interessert i å kjøpa dei, kan ein ta kontakt med prestekontoret telefon 24 13 25.

I Indre Arna er det ein god, liten kamin til salg.
Kontakt Kyrkjekontoret
telefon 24 04 00.

Stor konsert Ytre Arna kyrkje

sundag 28. mars
kl. 19.00

Tertnes skoles strykeorkester
Dirigent: Alf Steiner Christiansen
Solist: Pianist Signe Bakke
Av programmet nemner vi:
Klaverkonsert i D-moll av J.S. Bach.
Kollekt.
Støtte frå Rikskonsertane.

Pensjonistkurs

Det Norske Misjonsselskap arrangerer kurs for pensjonister på Misjonssenteret Kvamsseter. Erfaringene fra tidligere år tilsier at det er stor interesse for slike tiltak. I år blir det fire uker med leir/kurs for eldre: 18.-23. mai, 8.-13. juni, 17.-22. august og 31. aug.-5. september.

Emnene for kursukene blir henholdsvis: «Fram mot målet», «Følg etter deres tro», «Vår, yppersteprest», «I din hånd er mine tider». I tillegg til bibeltimene taes mange aktuelle og interessante misjonstema opp. Foruten talere og ledere blir også gode sangkrefter med på hvert kurs.

Kvamsseter eies av Det Norske Misjonsselskap og ligger på Kvamskogen i naturskjønne omgivelser.

Alle pensjonister er velkommen til fredelige og utbytterike dager ved Misjonssenteret. Påmelding skjer til Kvamsseter direkte, på telefon 055 - 58 962.

Konfirmasjonsgudstenestene


Datoane for konfirmasjonsgudstenestene er for Tren gereid 25/4 kl 11, Arna 2.og 9.mai, begge dagar kl.10 og 12.15. I Ytre Arna er det dette året uvanleg mange konfirmantar og på foreldremøte vart det avgjort at det skal vera to konfirmasjonsgudstenester. Det vert 2.mai kl. 10.30 og 12.30. Då vonar vi det vert plass i kyrkja til dei som vil vera med.

Påskefestveka 1982

Skirtorsdag kl. 19.30 vert det orgelkonsert i Arna kyrkje. Programmet inneheld pasjonsmusikk av franske komponistar frå barokktida og fram til vårt århundre. Kvelden vert avslutta med nokre improvisasjonar. Ved orgelet sit Paul Leithaug, og res.kap. Sundsbø deltek med andakt.

Alle er hjarteleg velkomne!

Under en gudstjeneste var følgende salmenummer satt opp før prekenen: 14, 29, 72, 115. Lille Ole har sittet helt stille under hele prekenen, og stirret iherdig på talene. Så snur han seg til mamma, og hvisker: «Mamma, i dag er det første gang presten har lagt sammen riktig».



ARNA OG SUDAN



Marit Gilje

Arna sokneråd har vald ei kvinne til å leia rådet sitt arbeid denne perioden. Ho heiter Marit Gilje, er 37 år og frå Stavanger. Ho har budd i Arna i 10 år, har vore lærar på Lone skule og er no undervisningsinspektør på Ådnamarka skule. Marit var sekretær i rådet førre periode. Kyrkjelydsbladet ville gjerne vite kva slags tankar Marit har gjort seg om denne oppgåva ho har tatt på seg.

— Eg er nok litt redd for denne oppgåva, men eg ser på det å vera formann i rådet som ei stor utfordring. Det er dessutan viktig å poengtera at vi har eit felles ansvar i Soknerådet, vi står saman i arbeidet. Sjølv bad eg ein del over oppgåva mi her, og eg blei roleg for at eg kunne prøva å ta på meg leiaransvaret.

— Kva slags oppgaver meiner du er spesielt viktige?

— Vi må bli flinkare til å planleggje på lenger sikt og prioritera etterkvart det vi vil gjera. I kyrkjelyden har vi nett hatt ein evangelisk aksjon. Ei slik veke bør bli ein årleg tradisjon. Eg er opp-tatt av personleg evangelisering, og skulle ønskje at vi kunne få til

eit aktivt kyrkjelydssamfunn, f.eks. ein gong i månaden. Eg ser på kontakten med dåpsforeldra som sers viktig, ein kontakt vi skulle følge opp. Fellesskapen i kyrkjelyden, ved gudstenestene og ved kyrkjekaffen er noko eg gjerne ville prioritera. Ein aktiv kyrkjelyd har omsorg for kvarandre.

På spørsmål om kva slags arbeidsformer soknerådet bør ha, seier Marit:

— Alle i rådet må kjenne ansvar for arbeidet i kyrkjelyden. Vi må fordele arbeidsoppgåvene slik at ikkje nokre blir svært belasta. Vi har eit arbeidsutval på tre som førebur soknerådsmøta. Det er viktig med fleire komitéar som kan arbeide med sakene. Medlemmene i soknerådet kan få med seg andre i kyrkjelyden på ymse arrangement og på den måten engasjera fleire.

Eg er også opptatt av at folk gir oss «feed-back» på det vi gjer. Vi tar i mot både ros og ris. Kanskje vi kunne bruke Kyrkjelydsbladet meir og fortelje om saker vi har hatt opp i rådet.

Marit fortel at ho første halvåret i 1981 var engasjert av Kirkens Nødhjelp som lærar ved Den Norske Skulen i Sør-Sudan der Kirkens Nødhjelp driv eit langtidsprosjekt. Dette prosjektet inneheld jordbruk, helse, reint vatn, vegbygging, kooperativ, mekanisk verkstad, undervisning. NORAD støtter prosjektet som dekkjer eit område like stort som Finnmark fylke.

135 nordmenn er med i pro-

Framhald side 5

frå side 4

sjektet som også gir arbeid til 1.000 sudanesarar. Sudan blir rekna for å vera Afrikas kornkammer, men ein 17 år lang borgarkrig har sett landet svært langt tilbake. Matmangel og underernæring er eit stort problem. Omlag 40 % av småbarna døyr.

Problema vi har i vårt land blir for luksusproblem å rekna i samanlikning med dei problema eg såg der nede, fortel Marit. Eg fekk sjå korleis tilhøva var i dei mange flyktningeleirane og sår kor stor trong det var for hjelp.

Vi er no i fastetida. Eg vil difor så varmt eg kan anbefale folk å bruka fastebøssene til Kirkens

FASTEAKSJONEN 1982

Fastebøssene er no delt ut til alle heimane i prestegjeldet, og vi oppmodar til å bruka desse og på denne måten støtta det arbeidet som Kirkens Nødhjelp gjer for menneske i naud.

Og me veit at hjelpa kjem fram — til fortausskular i Calcutta, vannboring i Sudan, flyktningehjelp i Pakistan og kamp mot opiumsdyrking i Thailand, for å nemna litt.

Bøssene kan leverast inn ved påsketider — helst før ca. 20.4.


Nødhjelp som i desse dagar blir levert ut. Vi bør tenkja gjennom korleis vi brukar midlane våre og gi hjelp til folk som får betre levevilkår gjennom hjelpeorganisasjonen. Eg veit at det vi gir gjennom Kirkens Nødhjelp kjem vel med og blir brukt rett. Men eg vil også leggja til at hos sudanesarane møtte eg ein varme og ei omsorg som vi kunne lære mykje av. Dei hadde stor omsorg for kvarandre, dei brydde seg om kvarandre og hadde tid til kvarandre sjøl om dei materielle godene var små.

Vi ønskjer Marit lukke til med oppgåva med arbeidet i soknerådet.

— ueste stadene:

- Ved alle gudstenester i kyrkjene
- Kyrkjekontoret, Borgstova
- Prestekontoret, Ytre Arna
- Arna Sparebank, Indre og Ytre Arna
- Vestlandsbanken, Indre og Ytre Arna
- Smått og Stort A:S, Arnatveit
- Flatabø skole A/S, Espeland
- Thunestvedt kolonial, Haukeland

Om du ikkje skulle ha fått bøsse eller den er komen bort, kan du gje gåva i ein konvolutt der du skriv «Kirkens Nødhjelp» utanpå. Takk for di gåve!



BARNESIDE

I samband med bispevisitasen hadde klasse 3b ved Ådnamarca skule eit emne om *kyrkja* i kristendomskunnskap. Nokre elevar val-

*Jesus hører kirken til,
og vi kan gå til kirken
når vi vil.*

Irene

SØNDAGSDIKT

*Stille, hvile, gøy,
prest, kirke,
høytidelig,
dåp og bryllup.*

Jan Thore


SØNDAG

*Søndag er en hviledag.
Det er stille på søndag.
Mange mennesker går
til kirken.*

Gisle

SØNDAGSØNSKER

*Det er fint å ha en hviledag
som jeg kan slappe av på.*



Denne teikninga er laga av elevar i 3. klasse på Indre Arna skule.

6

de å skriva dikt. Desse har vi fått til bladet.

Her kan du lesa noko av det dei tenkjer om kyrkja og søndagen:

*Kirken er et hus der vi
kan gå å dele sorger og
gleder med andre.*

Trude

SØNDAG

*Søndag er en hellig dag,
en sønn dag da folk hviler.
Noen går i kirken.*

*Noen går på tur.
Og noen er hjemme og viler
ser der.*

Karianne

ET ØNSKE!

*Om søndagen skulle jeg ønske
at alle kunne sove
til midt på dagen.
Og om kvelden kunne
alle være sammen i kirken
i stedet
for om morgenen.*

Laila

BORN OG NATTVERD

Sokneråda i Arna og Ytre Arna har vedteke å ta til å praktisere ordninga med nattverd for born også i våre kyrkjelydar. Ordninga vert gjort gjeldande frå 1. april. Vi har tidlegare omtalt denne ordninga i bladet og vil denne gongen gje nokre praktiske opplysningar for dei som ynskjer å gjere seg nytte av den nye ordninga.

Det vanlege er at born går til nattverd saman med foreldre eller andre føresette.

Utgangspunktet må vere barnet sitt eige ynskje om å ta del i nattverden.

6-7 årsalderen er sett som ei naturleg nedre aldersgrense for å vere med på nattverd. Det avgjerande er at borna viser erkjening av at nattverden gir samfunn med Jesus.

Presten bør ha direkte kontakt med foreldra og helst også med barnet sjølv før første altergang.

Foreldre som ynskjer at borna skal vere med på nattverd, bør difor ta direkte kontakt med presten om dette.

Det er utarbeidd ein del hjelpestoff i samband med barnet sin første altergang og vi nemner spesielt hefte for 6-7 åringar og for 10-12 åringar, begge med rettleiing for foreldre.

Hefta vil vere å få kjøpt på kyrkje-kontora og ved ein del tilskipingar i kyrkjelydane.

Vi vonar at den nye ordninga vil verte til velsigning i kyrkjelydane og hjelpa born til å oppleve samfunn med Jesus også gjennom nattverden. Det vil og vere ein rikdom for born og foreldre å kunne ta del saman i fellesskapet ved nattverdbordet.

Til slutt vil vi be kyrkjelydane om å vere med å førebu den nye ordninga i bøn.



Tema: *Eg vil gje dykk
framtid og von.*
Bibeltimar ved Håkon E.
Andersen, Liv Nordhaug

og Geir Gundersen.
Program kan ein få på kyrkje-
kontoret i Indre Arna eller
prestekontoret i Ytre Arna.

7

Familieside

DØYPTE:

Arna sokn:

14/2: Odd Werner Hartveit, Johnny Andreassen.

21/2: Hilde Birkeland, Morten Hauge.

14/3: Rolf Christian Berentsen, Frode Nettet, Katrine Reigstad, Stig Konrad Riple, Chris Obert Bjørnstad.

Trengereid:

7/2: Thomas Midtun.

21/2: Lene Heimdal.

Ytre Arna sokn:

7/2: Tommy Løvaas.

28/2: Silje Andersen.

14/3: Ronny André Skare, Christian Gaupås Kristiansen.

VIGDE:

Arna sokn:

6/2: Sven Roar Lavik og Anne-Britt Nævdal.

20/2: Roy Wingaard og Solveig

Duesund. Vigde i Laksevåg Kirke.

20/2: Geir Inge Haugland og Anne Berit Larsen. Vigde i Birkeland.

27/2: Helge Bordvik og Ingunn Mjelde. Vigde i Haus kyrkje.

13/3: Roger Mjelde og Eva Hagebø Hauge.

Ytre Arna sokn:

6/3: Ola Gaupås og Sølvi Vatlé.

DØDE:

Arna sokn:

27/1: Oddny Ragnfrid Oalann f. 1917.

28/1: Hanna Sønnervik f. 1892.

14/2: Petra Hele Boge f. 1894.

17/2: Johannes Bertin Karlsen f. 1901.

18/2: Laura Oliva Skjøndal f. 1889.

26/2: Sverre Kvassnes f. 1902.

8/3: Reidar Solberg f. 1922.

Ytre Arna sokn:

10/2: Gregorius Henriksen f. 1914.

19/2: Ole Glosvik f. 1916.

3/3: Odlaug Andersen f. 1912.

Ofringane i kyrkjelydane

Arna:

7/2 Bibelselskapet kr. 1697

14/2 Israelsmisjonen 1992

21/2 Misjonsselskapet kr. 2184

28/2 Modum bad

nervesan. kr. 1196

7/3 Kyrkjelydsarbeidet kr. 1077

Trengereid:

7/2 Søndagsskuleforb. kr. 853

21/2 IKO kr. 464

Ytre Arna:


14/2 4 Diakon-

institusjonane kr. 572

28/2 Misjonssambandet kr. 1228

14/3 Kyrkjelydsarb. kr. 744

ETTER- LYSING!



Redaksjonen kjenner ein mann som har mist frakken sin. Det skjedde under/etter misjonsfesten i Arna bedehus i januar. Det hang rett nok ein frakk der då enen vår skulle gå, men den var altfor liten. (Han heng der enno!) Og vi spør: Har nokon fått for stor frakk? Det er råd med det, — de kan byta igjen!

Ring 24 04 00 (Kyrkjekontoret).

Presten har ordet



Oyvind Øy.

Betre kontakt Arna - Ytre Arna

Vegen mellom Indre Arna og Ytre Arna er ikkje lang, men han kan likevel vere lang nok når det gjeld å knyte kontakt mellom dei to stadane. Mykje av dette har sine forklarlege årsaker i forhold som har prega livet i bygdene her. Utviklinga i Arna no synest ikkje å knyte bygdene nærare saman.

Når eg tar opp dette spørsmålet her, er det for å gje uttrykk for at vi som kyrkjelydar har bruk for å ha kontakt med kvarandre. Det betyr at vi i kyrkjelydssamanheng må rydde vekk skilje som har vore og arbeide for å finne naturlege samarbeidsformer.

Kyrkjelydane har to prestar som bor på kvar sin stad, men vi legg vinn på at vi arbeider i begge kyrkjelydane i den grad det er naturleg. Sokneråda har vore på tur saman og har arbeidd med spørsmål som gjeld tenesta vår i kyrkjelydane, og det har vist seg å vere svært nyttige samvær for oss alle. Vi har også kyrkjelydsblad, kyrkjelydsskule, diakoniutval og kyrkjelydstur saman.

I tida framover bør vi finne fram til naturlege samarbeidsformer og finne ut kva omfang vi vil at eit samarbeid skal ha. Det bør ikkje berre vere utvalg og styre som møtest. Vi kan og har kyrkje-

lydskveldar, song- og musikktilskipingar og liknande saman. På den måten vil vi kunne vere til hjelp og inspirasjon for kvarandre i våre to kyrkjelydar.

Møter

Indre Arna bedehus:

20.-25.4: Møter ved Olav Ro og Evy Evanger (song) frå Den Indre Sjømannsmisjon. Møta tek til kl. 19.30, søndag kl. 19.00.

Betania, Lone:

Skjærtorsdag, Langfredag, 1. og 2. påskedag: Møter ved Magne Martinussen. Møta tek til kl. 19.30. 17/4: Jubileumsfest — Betania Yngres 40 år. Ole Abel Sveen talar.

18/4: Eldrefest kl. 16.00. Gottfred Eriksen talar.

Ytre Arna bedehus:

3/4: Årsmøte for Indremisjonen kl. 18.00.

Langfredag: Kl. 19.00 møte.

BØSSEINNSAMLINGA TIL UTVIDING AV TAKVAM KAPELL

12.000 kr. kom inn til kapellet dei dagane innsamlinga varde. Ein nådde ca. 180 heimar, som gjevargleda var stor. Hjarteleg takk både til dykk som gjekk med bøsser og til dykk som gav.

Nemnda for Takvam kapell



Nytt frå sokneråda

Dei nye sokneråda, representantar frå nemnder og utval under sokneråda og dei tilsette i kyrkje-lydane var på tur til Raknestunet på Osterøy 26.-27.2.

Tida vart nytta godt til bibel-time, gruppesamtalar, foredrag og drøftingar. På ei slik samling kan ein meir enn på eit vanleg møte drøfta arbeidet ein står oppe i og tenkja litt framover. Denne gongen var det særleg fellesskapet i kyrkjelydane og sokneråda sitt åndelege ansvar som var tema. Ved slutten av samlinga prøvde vi også å prioritera oppgåvene framover. Mange meinte ein burde gjera meir for dåpsborna og heimane deira, dessutan å arbeida med gudstenestene og gudstenestefellesskapet. Vidare var det mange som ville arbeida med å starta fleire bibel/samtalegrupper og personleg evangelisering.

Soknerådet i Ytre Arna ville i tillegg også gjera noko for å betra økonomien. Det går kvart år mykje til renter og avdrag til Kyrkjelydshuset, og innkjøpet av piano var og eit økonomisk løft.

Bruk av nye salmar. Som kjent er no framlegget til ny salmebok kome ut, og vi er inne i ein prøvingsperiode for dette framlegget før den endelege salmeboka er ferdig om nokre år. Sokneråda vil gjerne at ein skal prøva nokre av dei nye salmane ved gudstenester, og difor vil ein i tida framover stundom ved gudstenestene få eit ark i handa der dei nye salmane er trykt.

Born og nattverd. Som kjent kan no born frå 6 år ta del i nattverden

i kyrkja. Det gjeld særskilde reglar for dette. Sokneråda i Arna og Ytre Arna har gjort vedtak om at ein skal la det gjelda frå 1.4. Vi viser til nærare orientering ein annan stad i dette bladet.

Lån. Soknerådet i Ytre Arna har gjort vedtak om å ta opp lån på kr. 16.500 i Arna Sparebank for å kunna betala pianoet som er kjøpt inn. Ein vonar det kjem inn fleire gaver til dette etter kvart.

Kyrkjekaffi i Ytre Arna. Diakonutvalet hadde søkt soknerådet om å ha kyrkjekaffe etter gudstenestene stundom. Det gjekk soknerådet inn for.



KIRKENS SOS

SENTER FOR SAMTALE

Åpent kl. 0900 til kl. 0700 alle dager
TELEFON 23 30 80

I MIN FORRETNING
finn De gaver til bryllup, konfirmasjon og barnedåp.

Keivland

5260 Indre Arna — Tlf. 24 04 96

**Solstrands
Blomsterforretning**
Hollendergt. 4, tlf. 23 20 50

**Solstrand
Begravelsesbyrå**
Herm. Fossgt. 11, tlf. 23 20 50
Alltid til tjeneste

VESTLANDSBANKEN
Banken i Arna — for Arna-folk, der alle kundar, store som små, er hjarteleg velkomne.

VESTLANDSBANKEN,
avd. Arna

**EPELAND
GARTNERI**

Telefon 24 08 09
Blomsterforretning
Hagesenter
Kransebinderi

**EPELAND
BEGRAVELSESBYRÅ**

Telefon 24 08 08
Begravelser og bisettelser ordnes. Transport med egen bil. Annonser, sanger, sløyfer. Monumenter besørjes oppsatt.

ARNA SPAREBANK
Indre Arna · Espeland · Ytre Arna

Banken i Arna frå 1866
Banken der du bur

— til bygdefolket sitt
beste gjennom 115 år.



Aut. bilverksted
Aut. dekkforhandler

**GODE TILBUD
PÅ DEKK OG
REKVISITA!**

**GOD SERVICE —
RIMELIGE PRISER —
HYGGELIG MILJØ!**

Velkommen til vår
bensinstasjon!

Arnatveit Auto Senter
J.B. Myklestad
5260 Indre Arna
Tlf. 24 07 40



Skal det vera TV — Elektrisk — Belysning. Hugs at vi har laveste pris, og det De kjøper her kan De få reparert her.

ARNA ELKJØP A/S

Ytre Arna — telefon 24 11 88
Arnatveit — telefon 24 19 70
Vi er tilsluttet landets største kjede av elektriske forretninger
EL-KJØP

Velkommen til kyrkje



Palmesøndag 4. april:

Arna kl. 11.00: Res.kap. Sundsbø. Offer til Blå Kors.

Skjærtorsdag 8. april:

Arna kl. 11.00: Sokneprest Øy. Nattverd. Skriftemål kl. 10.30.

Arna kl. 19.30: Orgelkonsert v/Paul Leithaug. Andakt ved res.kap. Sundsbø. Kollekt.

Trengereid kl. 11.00: Res.kap. Sundsbø.

Takvam kl. 16.30: Res.kap. Sundsbø. Nattverd.

Ytre Arna kl. 19.00: Sokneprest Øy. Nattverd.

Langfredag 9. april:

Arna kl. 11.00: Res.kap. Sundsbø.

Ytre Arna kl. 11.00: Sokneprest Øy.

Sjukeheimen kl. 16.00: Res.kap. Sundsbø.

1. påskedag 11. april:

Arna kl. 11.00: Sokneprest Øy. Offer til Den Norske sjømannsmisjon.

Ytre Arna kl. 11.00: Res.kap. Sundsbø. Offer til Den norske Sjømannsmisjon.

Trengereid kl. 18.00: Sokneprest Øy.

2. Påskedag 12. april:

Arna kl. 11.00: Sokneprest Øy og Trygve Helge Kleppesø.

18. april:

Arna kl. 11.00: Sokneprest Øy. Offer til kyrkjelydsarbeidet. Søndagskule i Borgstova under gudstenesta. Kyrkjekaffi.

Ytre Arna kl. 11.00: Res.kap. Sundsbø. Nattverd. Offer til Santalmisjonen.

25. april:

Arna kl. 11.00: Res.kap. Sundsbø. Nattverd. Arna Kyrkjekor. Søndagskule i Borgstova under gudstenesta.

Arna kl. 19.00. Sokneprest Øy og kateket Sandvik. Samtale med konfirmantane.

Ytre Arna kl. 19.00: Res.kap. Sundsbø. Samtalegudsteneste.

Trengereid kl. 11.00: Sokneprest Øy. Konfirmasjon. Offer til kyrkjelydsarbeidet.

KYRKJELYDSBLAD FOR ARNA

Utgjevar: Sokneråda i Arna, boks 11, 5260 Indre Arna

Redaksjonsnemnd: Målfrid Sandvik, Helge Eide, Margit Boge, Syivi Sæle, Ragnhild Rismyhr, Bjørg Hellesøy, Harald Sundsbø.

Bladpengar: kr. 25,-

Postgiro nr. 3104445 eller bankgiro 8440.21.01856.

Trykt av A/S Fotosentrum, Ytre Arna.